

朱子實紀

朱子實紀卷之六

宋史道學本傳

朱熹字元晦一字仲晦徽州婺源人父松字喬年甲
進士第胡世將謝克家薦之除秘書省正字趙鼎都
督川陝荆襄軍馬招松為屬辭鼎再相除校書郎遷
著作以御史中丞常同薦除度支員外郎史館校勘
歷司勳吏部郎秦檜決策議和松與同列上章極言
其不可檜怒風御史論松懷異自賢出知饒州未上
卒熹幼穎悟甫能言父指天示之曰天也熹問曰天
之上何物松異之就傳授以孝經一閱題其上曰不

若是非人也嘗從群兒戲沙上獨端坐以指畫沙視
之八卦也年十八貢于鄉中紹興十八年進士第主
泉州同安簿選邑秀民充弟子負日與講說聖賢脩
己治人之道禁女婦之為僧道者罷歸請祠監潭州
南嶽廟明年以輔臣薦與徐度呂廣問韓元吉同召
以疾辭孝宗即位詔求直言熹上封事言聖躬雖未
有過失而帝王之學不可以不熟講朝政雖未有闕
遺而脩攘之計不可以不早定利害休戚雖不可徧
舉而本原之地不可以不加意陛下毓德之初親御
簡策不過諷誦文辭吟詠情性又頗留意於老子釋

氏之書夫記誦詞藻非所以探淵源而出治道虛無
寂滅非所以貫本末而立大中帝王之學必先格物
致知以極夫事物之變使義理所存纖悉畢照則自
然意誠心正而可以應天下之務次言脩攘之計不
時定者講和之說誤之也夫金人於我有不共戴天
之讎則不可和也明矣願斷以義理之公閉關絕約
任賢使能立紀綱厲風俗數年之後國富兵強視吾
力之強弱觀彼釁之淺深徐起而圖之次言四海利
病係斯民之休戚斯民休戚係守令之賢否監司者
守令之綱朝廷者監司之本也欲斯民之得其所本

原之地亦在朝廷而已今之監司姦賊狼藉肆虐以
病民者莫非宰執臺諫之親舊賓客其已失勢者既
按見其交私之狀而斥去之尚在勢者豈無其人顧
陛下無自而知之耳隆興元年復召入對其一言大
學之道在乎格物以致其知陛下雖有生知之性高
世之行而未嘗隨事以觀理即理以應事是以舉措
之間動涉疑貳聽納之際未免蔽欺乎治之效所以
未著其二言君父之讎不與共戴天今日所當為者
非戰無以復讎非守無以制勝且陳古先聖王所以
強本折衝威制遠人之道時相湯思退方倡和議除

熹武學博士待次乾道元年促就職既至而洪适為相復主和論不合歸三年陳俊卿劉珙薦為樞密院編脩官待次五年丁內艱六年工部侍郎胡銓以詩人薦與王庭珪同召以未終喪辭七年既免喪復召以祿不及養辭九年梁克家相申前命又辭克家奏熹屢召不起宜蒙褒錄執政俱稱之上曰熹安貧守道廉退可嘉特改合入官主管台州崇道觀熹以求退得進於義未安再辭淳熙元年始拜命二年上欲獎用廉退以勵風俗龔茂良行丞相以熹名進除秘書郎力辭且以手書遺茂良言一時權倖群小乘間

讒毀乃因熹再辭即從其請主管武夷山冲佑觀五
年史浩再相除知南康軍降旨便道之官熹再辭不
許至郡興利除害值歲不雨講求荒政多所全活訖
事奏乞依格推賞納粟人間詣郡學引進士子與之
講論訪白麻洞書院遺址奏復其舊為學規俾守之
明年夏大旱詔監司郡守條具民間利病遂上疏言
天下之務莫大於恤民而恤民之本在人君正心術
以立紀綱蓋天下之紀綱不能以自立必人主之心
術公平正大無偏黨反側之私然後有所繫而立君
心不能以自正必親賢臣遠小人講明義理之歸閉

塞私邪之路然後乃可得而正今宰相臺省師傅賓
友諫諍之臣皆失其職而陛下所與親密謀議者不
過一二近習之臣上以蠱惑陛下之心志使陛下不
信先王之大道而說於功利之卑說不樂莊士之讜
言而安於私執之鄙態下則招集天下士大夫之嗜
利無耻者文武彙分各入其門所喜則陰為引援擢
賞清顯所惡則密行訾毀公肆擠排交通貨賂所盜
者皆陛下之財命卿置將所竊者皆陛下之柄陛下
所謂宰相師傅賓友諫諍之臣或反出入其門壻承
望其風旨其幸能自立者亦不過齷齪自守而未嘗

敢一言以斥之其甚畏公論者乃能略驚逐其徒黨
之一二既不能深有所傷而終亦不敢正言以擣其
囊橐窟穴之所在勢成威立中外靡然向之使陛下
之號令黜陟不復出於朝廷而出於一二人之門名
為陛下獨斷而實此一二人者陰執其柄且云莫大
之禍必至之憂近在朝夕而陛下獨未之知上讀之
大怒曰是以我為亡也熹以疾請祠不報陳俊卿以
舊相守金陵過關入見薦熹甚力宰相趙雄言於上
曰士之好名陛下疾之愈甚則人之譽之愈衆無乃
適所以高之不若因其長而用之彼漸當事任能否

自見矣上以為然乃除熹提舉江西常平茶鹽公事
旋錄救荒之勞除直秘閣以前所奏納粟人未推賞
辭會浙東大飢宰相王淮改熹提舉浙東常平茶鹽
公事即日單車就道復以納粟人未推賞辭職名納
粟賞行遂受職名入對首陳災異之由與脩德任人
之說次言陛下即政之初蓋嘗選建英豪任以政事
不幸其間不能盡得其人是以不復廣求賢摛而姑
取軟熟易制之人以充其位於是左右私褻使令之
賤始得以奉燕閑備驅使而宰相之權日輕又慮其
勢有所偏而因重以壅已也則時聽外廷之論將以

陰察此輩之負犯而操切之陛下既未能循天理公
聖心以正朝廷之大體則固已失其本矣而又欲兼
聽士大夫之言以為駕馭之術則士大夫之進見有
時而近習之從容無間士大夫之禮貌既莊而難親
其議論又苦而難入近習便嬖側媚之態既足以蠱
心志其胥吏狡獪之術又足以眩聰明是以雖欲微
抑此輩而此輩之勢日重雖欲兼采公論而士大夫
之勢日輕重者既挾其重以竊陛下之權輕者又借
力於所重以為竊位固寵之計日往月來浸淫耗蝕
使陛下之德業日墮綱紀日壞邪佞充塞貨賂公行

兵愁民怨盜賊間作災異數見饑饉荐臻群小相挺
人人皆得滿其所欲惟有陛下無所得而顧乃獨
受其弊上為動容所奏凡七事其一二事手書以防
宣洩熹始拜命即移書他郡募米商蠲其征及至則
容舟之米已輻輳熹日鈎訪民隱按行境內單車屏
徒從所至人不及知郡縣官吏憚其風采至自引去
所部肅然凡丁錢和買役法權酷之政有不便於民
者悉釐而革之於救荒之餘隨事處畫必為經久之
計有短熹者謂其疏於為政上謂王淮曰朱熹政事
却有可觀熹以前後奏請多所見抑幸而從者率稽

緩後時蝗旱相仍不勝憂憤復奏言為今之計獨有
斷自聖心沛然發號責躬求言然後君臣相戒痛自
省改其次惟有盡出內庫之錢以供大禮之費為收
糴之本詔戶部免徵舊負詔漕臣依條檢放租稅詔
宰臣沙汰被災路分州軍監司守臣之無狀者遴選
賢能責以荒政庶幾猶足下結人心消其乘時作亂
之意不然臣恐所憂者不止於飢殍而將在於盜賊
蒙其害者不止於官吏而上及於國家也知台州唐
仲友與王淮同里為姻家吏部尚書鄭丙侍御史張
大經交薦之遷江西提刑未行熹行部至台訟仲友

者紛然按得其實章三上淮匿不以聞熹論愈力仲友亦自辨淮乃以熹章進呈上令宰屬看詳都司陳庸等乞令浙西提刑委清強官究實仍令熹速往早傷州郡相視熹時留台未行既奉詔益上章論前後六上淮不得已奪仲友江西新命以授熹辭不拜遂歸且乞奉祠時鄭丙上疏詆程氏之學且以沮熹淮又擢太府寺丞陳賈為監察御史賈面對首論近日搢紳有所謂道學者大率假名以濟偽願考察其人擯棄勿用蓋指熹也十年詔以熹累乞奉祠可差主管台州崇道觀既而連奉雲臺鴻慶之祠者五年十四

年周必大相除熹提點江西刑獄公事以疾辭不許
遂行十五年淮罷相遂入奏首言近年刑獄失當獄
官當擇其次言經總制錢之病民及江西諸州科
罰之弊而其末言陛下即位二十七年因循荏苒無
尺寸之效可以仰酬聖志嘗反覆思之無乃燕間蠖
濩之中虛明應物之地天理有所未純人欲有所未
盡是以為善不能充其量除惡不能去其根一念之
頃公私邪正是非得失之機交戰於其中故體貌大
臣非不厚而便嬖側媚得以深被腹心之寄寤寐英
豪非不切而柔邪庸繆得以久竊廊廟之權非不樂

聞公議正論而有時不容非不聖讒說殄行而未免
誤聽非不欲報復陵廟讎耻而未免畏怯苟安非不
愛養生靈財力而未免歎息愁怨願陛下自今以往
一念之頃必謹而察之此為天理耶人欲耶果天理
也則敬以克之而不使其少有壅闕果人欲也則敬
以克之而不使其少有凝滯推而至於言語動作之
間用人處事之際無不以是裁之則聖心洞然中外
融徹無一毫之私欲得以介乎其間而天下之事將
惟陛下所欲為無不如志矣是行也有要之於路以
為正心誠意之論上所厭聞戒勿以為言熹曰吾平

生所學惟此四字豈可隱默以欺吾君乎及奏上曰
久不見卿浙東之事朕自知之今當處卿清要不復
以州縣為煩也時曾覲已死王抃亦逐獨內侍甘昇
尚在熹力以為言上曰昇乃德壽所薦為其有才耳
熹曰小人無才安能動人主翌日除兵部郎官以足
疾丐祠本部侍郎林栗嘗與熹論易西銘不合劾熹
本無學術徒竊張載程頤緒餘謂之道學所至輒携
門生數十人妄希孔孟歷聘之風邀索高價不肯供
職其偽不可掩上曰林栗言似過周必大言熹上殿
之日足疾未瘳勉強登對上曰朕亦見其跛曳左補

闕薛叔似亦奏援熹乃令依舊職江西提刑太常博士葉適上疏與栗辨謂其言無一實者謂之道學一語無實尤甚徃日王淮表裏臺諫陰廢正人蓋用此術詔熹昨入對所論皆新任職事朕亦諒其誠復從所請可疾速之任會胡晉臣陰侍御史首論栗執拗不通喜同惡異無事而指學者為黨乃黜栗知泉州熹再辭免除直寶文閣主管西京嵩山崇福宮未踰月再召熹又辭始熹常以為口陳之說有所未盡乞具封事以聞至是投匭進封事曰今天下大勢如人有重病內自心腹外達四支無一毛一髮不受病者

且以天下之大本與今日之急務為陛下言之大本者陛下之心急務則輔翼太子選任大臣振舉綱紀變化風俗愛養民力脩明軍政六者是也古先聖王兢兢業業持守此心是以建師保之官列諫諍之職凡飲食酒漿衣服次舍器用財賄與夫宦官宮妾之政無一不領於冢宰使其左右前後一動一靜無不制以有司之法而無纖芥之隙瞬息之頃得以隱其毫髮之私陛下所以精一克復而持守其心果有如此之功乎所以脩身齊家而正其左右果有如此之效乎宮省事禁臣固不得而知然爵賞之濫貨賂之

流間巷竊言久已不勝其籍籍則陛下所以儲之家者恐其未有以及古之聖王也至於左右便嬖之私恩遇過當徃者淵覲說朶之徒勢焰熏灼傾動一時今已無可言矣獨有前日臣所面陳者雖蒙聖慈委曲開譬然臣之愚竊以為此輩但當使之守門傳命供掃除之役不當假借崇長使得逞邪媚作淫巧於內以蕩上心立門庭招權勢於外以累聖政臣聞之道路自王朶既逐之後諸將差除多出此人之手陛下竭生靈膏血以奉軍旅顧乃未嘗得一温飽是皆將帥巧為名色奪取其糧肆行貨賂於近習以圖進

用出入禁闈腹心之臣外交將帥共為欺蔽以至於此而陛下不悟反寵暱之以是為我之私人至使宰相不得議其制置之得失給諫不得論其除授之是非則陛下所以正其左右者未能及古之聖王又明矣至於輔翼太子則自王十朋陳良翰之後官僚之選號為得人而能稱其職者蓋已鮮矣而又時使邪佞僂薄闖冗庸妄之輩或得參錯於其間所謂講讀亦姑以應文備數而未聞其有箴規之効至於從容朝夕陪侍遊燕者又不過使臣宦者數輩而已師傅賓客既不復置而詹事庶子有名無實其左右春坊

遂直以使臣掌之既無以發其隆師親友尊德樂義之心又無以防其戲慢媮狎竒衰雜進之害宜討論前典置師傅賓客之官罷去春坊使臣而使詹事庶子各復其職至於選任大臣則以陛下之聰明豈不知天下之事必得剛明公正之人而後可以任哉其所以常不得如此之人而反容鄙夫之竊位者直以一念之間未能撤其私邪之蔽而燕私之好便嬖之流不能盡由於法度若用剛明公正之人以為輔相則恐其有以妨吾之事害吾之人而不得肆是以選擇之際常先排擯此等而後取凡疲懦軟熟平日不

敢直言正色之人而揣摩之又於其中得其至庸極
陋決可保其不至於有所妨者然後加之於位是以
除書未出而物色先定姓名未顯而中外已逆知其
決非天下第一流矣至於振肅紀綱變化風俗則今
日宮省之間禁密之地而天下不公之道不正之人
顧乃得以窟穴盤據於其間而陛下目見耳聞無非
不公不正之事則其所以薰蒸銷鑠使陛下好善之
心不着疾惡之意不深其害已有所不可勝言者矣
及其作姦犯法則陛下又未能深割私愛而付諸外
廷之議論以有司之法是以紀綱不正於上風俗頹

弊於下其為患之日久矣而浙中為尤甚大率習為
軟美之態依阿之言以不分是非不辨曲直為得計
甚者以金珠為脯醢以契券為詩文宰相可啗則啗
宰相近習可通則通近習惟得之求無復廉恥一有
剛毅正直守道循理之士出乎其間則群議衆排指
為道學而加以矯激之罪十數年來以此二字禁錮
天下之賢人君子復如昔時所謂元祐學術者排擯
詆辱必使無所容其身而後已此豈治世之事哉至
於愛養民力脩明軍政則自虞允文之為相也盡取
版曹歲入窠名之必可指擬者號為歲終羨餘之數

而輸之內帑顧以其有名無實積累掛欠空載簿籍
不可催理者撥還版曹以為內帑之積將以備他日
用兵進取不時之須然自是以來二十餘年內帑歲
入不知幾何而認為私貯典以私人宰相不得以式
貢均節其出入版曹不得以簿書勾考其在亡日銷
月耗以奉燕私之費者蓋不知其幾何矣而曷嘗聞
其能用此錢以易敵人之首如太祖之言哉徒使版
曹經費闕乏日甚督促日峻以至廢去祖宗以來破
分良法而必以十分登足為限以為未足則又造為
比較監司郡守殿最之法以誘脅之於是中外承風

競為苛急此民力之所以重困也諸將之求進也必先掊剋士卒以殖私利然後以此自結於陛下之私人而斬以姓名達於陛下之貴將貴將得其姓名即以付之軍中使自什伍以上節次保明稱其材武堪任將帥然後具奏牘而言之陛下之前陛下但見等級推先案牘具備則誠以為公薦而可以得人矣而豈知其論價輸錢已若晚唐之債帥哉夫將者三軍之司命而其選置之方乖刺如此則彼智勇材略之人孰肯抑心下首於宦官宮妾之門而陛下之所得以為將帥者皆庸夫走卒而猶望其脩明軍政激勸

士卒以疆國勢豈不誤哉凡此六事皆不可緩而本在於陛下之一心一心正則六事無不正一有人心私欲以介乎其間則雖欲備精勞力以求正夫六者亦將徒為文具而天下之事愈至於不可為矣疏入夜漏下七刻上已就寢亟起秉燭讀之終篇明日除主管太一宮兼崇政殿說書熹力辭除秘閣脩撰奉外祠光宗即位再辭職名仍舊直寶文閣降詔獎諭居數月除江東轉運副使以疾辭改知漳州奏除屬縣無名之賦七百萬減經總制錢四百萬以習俗示知禮采古喪葬嫁娶之儀揭以示之命父老解說

以教子弟土俗崇信釋氏男女聚僧廬為傳經會女
不嫁者為庵舍以居熹悉禁之常病經界不行之害
會朝論欲行泉汀漳三州經界熹乃訪事宜擇人物
及弓量之法上之而土居豪右侵漁貧弱者以為不
便沮之宰相留正泉人也其里黨亦多以為不可行
布衣吳禹圭上書訟其擾人詔且需後有旨先行漳
州經界明年以子喪請祠時史浩入見請收天下人
望乃除熹秘閣脩撰主管南京鴻慶宮熹再辭詔論
撰之職以寵名儒乃拜命除荆湖南路轉運副使辭
漳州經界竟報罷以言不用自劾除知靜江府辭主

管南京鴻慶宮未幾差知潭州力辭黃裳為嘉王府
翊善自以學不及熹乞召為宮僚王府直講彭龜年
亦為大臣言之留正曰正非不知熹但其性剛恐到
此不合反為累耳熹方再辭有旨長沙巨屏得賢為
重遂拜命會洞獠擾屬郡熹遣人諭以禍福皆降之
申敕令嚴武備戢姦吏抑豪民所至興學校明教化
四方學者畢至寧宗即位趙汝愚首薦熹及陳傅良
有旨赴行在奏事熹行且辭除煥章閣待制侍講辭
不許入對首言乃者太皇太后躬定大策陛下寅紹
丕圖可謂處之以權而庶幾不失其正自頃至今三

月矣或反不能無疑於逆順名實之際竊為陛下憂之猶有可諉者亦曰陛下之心前日未嘗有求位之計今日未嘗忘思親之懷此則所以行權而不失其正之根本也克未嘗求位之心以盡負罪引慝之誠克未嘗忘親之心以致溫清定省之禮而大倫正大本立矣復面辭待制待講上手劄卿經術淵源正資勸講次對之職勿復牢辭以副朕崇儒重道之意遂拜命會趙彥逾按視孝宗山陵以為土肉淺薄下有水石孫逢吉覆按乞別求吉兆有旨集議臺史憚之議中輟熹竟上議狀言壽皇聖德衣冠之歲當博訪

名山不宜偏信臺史委之水泉沙礫之中不報時論者以為上未還大內則名體不正而疑議生金使且來或有窺伺有旨脩葺舊東宮為屋三數百間欲徙居之熹奏疏言此必左右近習倡為此說以誤陛下而欲因以遂其姦心臣恐不惟上帝震怒災異數出正當恐懼脩省之時不當興此大役以拂譴告警動之意亦恐畿甸百姓飢餓流離沾於死亡之際或能怨望忿切以生他變不惟無以感格太上皇帝之心以致未有進見之期亦恐壽皇在殯因山未卜几筵之奉不容少弛太皇太后皇太后皆以尊者之年煢然

在憂苦之中晨昏之養尤不可闕而四方之人但見
陛下亟欲大治宮室速得成就一旦翩然委而去之
以就安便六軍萬民之心將有扼腕不平者矣前鑑
未遠甚可懼也又聞太上皇后懼忤太上皇帝聖意
不欲其聞太上之稱又不欲其聞內禪之說此又慮
之過者殊不知若但如此而不為宛轉方便則父子
之間上怨怒而下憂恐將何時而已父子大倫三綱
所繫久而不圖亦將有借其名以造謗生事者此又
臣之所大懼也願陛下明詔大臣首罷脩葺東宮之
役而以其工料回就慈福重華之間草創寢殿一二

十間使粗可居若夫過宮之計則臣又願陛下下詔
自責減省輿衛入宮之後暫變服色如唐肅宗之改
服紫袍執控馬前者以伸負罪引慝之誠則太上皇
帝雖有忿怒之情亦且霍然消散而懼意泱洽矣至
若朝廷之紀綱則臣又願陛下深詔左右勿預朝政
其實有勲庸而所得褒賞未愜衆論者亦詔大臣公
議其事稽考令典厚報其勞而凡號令之地張入才
之進退則一委之二三大臣使之反復較量勿循已
見酌取公論奏而行之有不當者縱駁論難擇其善
者稱制臨決則不惟近習不得干預朝權大臣不得

專任己私而陛下亦得以益明習天下之事而無所
疑於得失之筭矣若夫山陵之下則願黜臺史之說
別求草澤以營新宮使壽皇之遺體得安於內而宗
社生靈皆蒙福於外矣疏入不報然上亦未有怒熹
意也每以所講編次成帙以進上亦開懷容納熹又
奏勉上進德云願陛下日用之間以求放心為之本
而於玩經觀史親近儒學益用力焉數召大臣切磨
治道群臣進對亦賜溫顏反覆詢訪以求政事之得
失民情之休戚而又因以察其人才之邪正短長庶
於天下之事各得其理熹奏禮經敕令子為父嫡孫

承重為祖父皆斬衰三年嫡子當為其父後不能襲位執喪則嫡孫繼統而代之執喪自漢文短喪歷代因之天子遂無三年之喪為父且然則嫡孫承重可知人紀廢壞三綱不明千有餘年莫能鑿正壽皇聖帝至性自天易月之外猶執通喪朝衣朝冠皆用大布所宜著在方冊為萬世法程間者遺詔初頒太上皇帝偶違康豫不能躬就喪次陛下以世嫡承大統則承重之服著在禮律所宜遵壽皇已行之法一時倉卒不及詳議遂用漆紗淺黃之服不惟上違禮律且使壽皇已行之禮舉而復墜臣竊痛之然既往之

失不及追改有將來啓殯發引禮當復用初喪之服
會孝宗祔廟議宗廟迭毀之制孫逢吉曾三復首請
併祧僖宣二祖奉太祖居第一室祫祭則正東向之
位有旨集議僖順翼宣四祖祧主宜有所歸自太祖
皇帝首尊四祖之廟治平間議者以世數寢遠請遷
禧祖於夾室後王安石等奏僖祖有廟與稷契無異
請復其舊時相趙汝愚雅不以復祀僖祖為然侍從
多從其說吏部尚書鄭僑欲且祧宣祖而祔孝宗熹
以為歲之夾室則是以祖之主下歲於子孫之夾室
神宗復奉以為始祖已為得禮之正而合於人心所

謂有舉之而莫敢廢者乎又擬為廟制以辨以為物
豈有無本而生者廟堂不以聞即毀撤僖宣廟室更
創別廟以奉四祖始寧宗之立韓侂胄自謂有定策
功居中用事熹憂其害政數以為言且約吏部侍郎
彭龜年共論之會龜年出護使客熹乃上疏斥言左
右竊柄之失在講筵復申言之御批云憫卿耆艾恐
難立講已除卿官觀汝愚袖御筆還上且諫且拜內
侍王德謙徑以御筆付熹臺諫爭留不可樓鑰陳傅
良旋封還錄黃備注官劉光祖鄧驛封章交上熹行
被命除寶文閣待制與州郡差遣辭尋除知江陵府

辭仍乞追還新舊職名詔依舊煥章閣待制提舉南
京鴻慶宮慶元元年初趙汝愚既相收召四方知名
之士中外引領望治熹獨惕然以侂冑用事為慮既
爍為上言及數以手書啓汝愚當用厚賞酬其勞勿使
得預朝政有防微杜漸謹不可忽之語汝愚方謂其
易制不以為意及是汝愚亦以誣逐而朝廷大權悉
歸侂冑矣熹始以廟議自劾不許以疾再乞休致詔
辭職謝事非朕優賢之意依舊祕閣備撰二年沈繼
祖為監察御史誣熹十罪詔落職罷祠門人蔡元定
亦送道州編管四年熹以年近七十申乞致仕五年

依所請明年卒年七十一疾止革手書屬其子在及
門人范念德黃榦拳拳以勉學及隋正遺書為言翌
日正坐整衣冠就枕而逝熹登第五十年仕於外者
僅九考立朝纔四十日家故貧少依父友劉子羽寓
建之崇安後徙建陽之考亭簞瓢屢空晏如也諸生
之自遠而至者豆飯藜羹率與之共往往稱貸於人
以給用而非其道義則一介不取也自熹去國侂冑
勢益張何澹為中司首論專門之學文詐沽名乞辨
真偽劉德秀仕長沙不為張栻之徒所禮及為諫官
首論留正引偽學之罪偽學之稱蓋自此始太常少

卿胡紘言比年偽學猖獗圖為不軌望宣諭大臣權
住進擬遂召陳賈為兵部侍郎未幾熹有奪職之命
劉三傑以前御史論熹汝愚劉光祖徐誼之徒前日
之偽黨至此又變而為逆黨即日除三傑右正言右
諫議大夫姚愈論道學權臣結為死黨窺伺神器乃
命直學士院高文虎草詔諭天下於是攻偽學日急
選人余嘉至上書乞斬熹方是時士之繩趨尺步稍
以儒名者無所容其身從游之士特立不顧者屏伏
丘壑依阿吳懦者更名他師過門不入甚至變易衣
冠狎遊市肆以自別其非常而熹日與諸生講學不

休或勸其謝遣生徒者笑而不答有籍田令陳景思者故相庶伯之孫也與侂胄有姻連勸侂胄勿為已甚侂胄意亦漸悔熹既沒將葬言者謂四方僞徒期會送偽師之墓會聚之間非妄談時人短長則繆議時政得失望令守臣約束從之嘉泰初學禁稍弛二年詔熹已致仕除華文閣待制與致仕恩澤後侂胄死詔賜熹遺表恩澤謚曰文尋贈中大夫特贈寶謨閣直學士理宗寶慶三年贈太師追封信國公改徽國始熹少時慨然有求道之志父松病亟嘗囑熹曰籍溪胡原仲白水劉致中屏山劉彥冲三人學有淵

源吾所敬畏吾即死汝往事之而惟其言之聽三人
謂胡憲劉勉之劉子翬也故熹之學既博求之經傳
復徧交當世有識之士延平李侗老矣嘗學於羅從
彥熹歸自同安不遠數百里徒步往從之其為學大
抵窮理以致其知反躬以踐其實而以居敬為主嘗
謂聖賢道統之傳散在方冊聖經之旨不明而道統
之傳始晦於是竭其精力以研窮聖賢之經訓所著
書有易本義啓蒙著卦考誤詩集傳大學中庸章句
或問論語孟子集註太極圖通言西銘解楚辭集註
辨證韓文考異所編次有論一集義孟子指要中庸

輯畧考。刊誤小學書通鑑。自宋名臣言行錄家
禮道思錄河南程氏遺書伊洛淵源錄皆行於世熹
沒朝廷以其大學語孟中庸訓說立於學官又有儀
禮經傳通解未脫藁亦在學官平生為文凡一百卷
生徒問答凡八十卷別錄十卷理宗紹定末祕書郎
李心傳乞以司馬光周敦頤邵雍張載程顥程頤朱
熹七人列于從祀不報淳祐元年正月。視學手詔
以周張二程及熹從祀孔子廟黃榦曰道之正統待
人而後傳自周以來任傳道之責者不過數人而能
使斯道章章較著者一二人而止耳由孔子而後曾

子子思繼其微至孟子而始著由孟子而後周程張
子繼其絕至熹而始著識者以為知言熹子在紹定
中為吏部侍郎

朱子實紀卷之六

朱子實紀卷之七

廟宅

祠

書院

墓

坊

亭附

廟宅

婺源縣朱子廟宅

在縣治南前臨街左有齋井其坊曰明道宋理宗賜額曰文

公闕里後其地漸為居鄰所侵僅存四步元祐中五世從孫光訴於浙省閩憲者久之而後知地始復其舊文傳又請于朝用顏孟故宅立廟例得立徵國朱文公廟鎬助其費復捐田三十畝以供祀事文傳又移檄建郡取朱子五世孫勳回婺源祠實後至元乙亥也待制揚副中為記初韋齋赴政和尉時質其祖田百畝以資後欲歸鄉以無田可食友張敦願為贖其田而韋齋歿矣紹興庚午朱子歸省祖墓以田所入供祭掃之費其後以人竊售之光又以為言同知李祁召田主與悉歸其田而償其價

朱子年表

十一

三分之二然價無從歸士鮑元康因其父志

以私財償之而田始歸氏學士虞集為記至

正壬辰廟宅悉燬戊戌歲人廟基之半築城丁

未增開舊址闕初知縣程南唐廷禮相繼

創葺待制王禕司直郎汪仲魯為記宣德辛亥

縣丞葉公回重脩進士汪敬為記正統庚申燬

九世孫湛言于提學御史彭勗撤知縣陳斌重

建殿壘門廡共若干璽彭御史自記弘治庚戌

又燬知縣喬恕聶瑄相繼謀建未就辛酉冬給

事一中戴銑建言詔給官帑重建壬戌畢工廟

宅一新設門子二名守視

崇安縣朱子故宅

在內五夫里潭溪之上屏山之

對初葺齋疾革以家事屬少傳

劉子羽葺齋殘少傳為築室里旁朱子奉母夫

人居焉後扁其廳事曰紫陽書堂以新安有紫

陽山識鄉關常在目也寢堂曰葦齋皆以父意

命名別室曰晦堂曰敬齋晚年移居考

亭廢址猶存

建陽縣朱子故宅

在縣西三柱里考亭書院之右初韋齋尉允溪時嘗來遊考亭

愛其溪山清邃欲卜居之不果紹興壬子朱子承先志築室於此後建守吳某書其扁曰文公

故居元季傾圮國朝洪武壬申知縣陳敏重脩

祠

徽州府朱子祠

一在府學講堂之北今明倫堂之西初朱子既歿徽士卽州學繪而

祠之其後郡守趙師端建祠於今所勉齋黃幹為記歷元及國朝累祀累葺永樂壬寅燬成

化己亥教授陳文率諸生白于提學御史婁謙檄知府王祐重建得請于朝以每歲三月九

日朱子忌辰有司致祭禮部尚書周洪謨登山東按察僉事潘禎為記

一在婺源縣學講堂宋德安知府邑人胡斐率士友重建汪應辰為記後遷于學之東偏咸淳

戊辰知縣洪松龍仍祠于講堂今廢

一在婺源縣治之東二里朱塘昔朱子嘗與諸生滕璘輩遊其地曰予疇昔夢至一所今來此

恍如所夢因命作亭其上書以堂二字後璘之子鈺創祠以祀朱子而以父叔配食邑人詩月

記御為

一在祁門縣學西廡宋咸淳二年
知縣潘子昌建元至正土辰燬

一舊在績溪縣學文廟西廡下
移建於縣東儒學故址中塑孔子像以黃餘蔡
元定配後祀有碑尚存弘治間教諭顏擊等白
于提學御史陳琳檄府縣重建陝西布政使胡

記富為

一在休寧縣學里
人朱震雷建今廢

建寧府朱子祠

一在府城內紫霞洲宋寶慶三年
季子在縣鑑建於今祠之左歲久

傾頽以國朝永樂十三年給事中陶倅御史蔣
彥祿以使事至率都指揮師祐知府劉敬等捐

俸重脩景泰中詔春秋致祭嫡孫一人世襲
翰林院五經博士以奉祀事祠旁隙地舊為武

臣所侵九世孫挺等白於巡按御史莊欽復之
知府劉敏即其址遷建今祠為堂五間中祀朱

子以黃餘劉焄蔡沅真德秀配享左右為兩廡
前為重門後建聚奎閣池亭俱備設序於門名

祠

縣一在建陽縣學宋寶慶三年知

縣劉克莊建學士真德秀為記
一在建陽縣龜峰書院道源堂之左名曰道義

之祠宋劉琪書額
國朝成化六年按察副使

何喬新
重建
官一在浦城縣東隅舊資福尼寺址天順二年推

官胡緝建歲久祠祀弘治五年同知周時中重
脩中祀朱子以蔡沉黃榦真
德秀劉焄配御史滕祐為記

泉州府朱子祠

一在晉江縣學禮殿後洪武二十

奉講堂舊儀禮之御史陳仲述為記宣德五年
教諭王啓脩正統十年僉事陳祚知府曾弘重

脩

一在泉州府學宮宋校官陳汲建陳宏為記

一在南安縣學明倫堂之左元元統
二年知縣劉昇火兜建宮曰尊道堂

一在同安縣學宋嘉定間知縣毛當時建葉適
為記國朝洪武二年知縣呂復重建宣德六
年重脩

漳州府朱子祠

一在龍溪縣學大成殿之
東以鄉賢陳淳王遇配

一在臨漳臺舊龍江書院講堂之東宋淳祐六
年郡守方來建以祀朱子而以陳淳黃榦配扁
曰道源堂通判徐明叔記宋季書院殿惟堂獨
存國朝成化四年按察僉事周謨倡知府王
文等重建副使
何喬新為記

汀州府朱子祠

一在府學宋嘉定間郡守趙崇模
建以祀朱子及其門人郡人楊方

一在連城縣學之右
知縣何衍建今廢

僊遊縣朱子祠

在儒學內宋平
湖陳堯道為記

書院

白鹿洞書院

在南康府北二十里廬山五老峯下

唐李渤與兄涉隱居此洞嘗養白鹿以自娛故名南唐昇元中立學館置田以給諸生宋太平興國二年因守臣周述奏詔國子監給印本九經傳送久之學廢淳熙六年朱子祖為郡守親訪白鹿洞遺址復建書院東萊呂祖謙為記歷宋及元書院遂廢國朝正統元年知府翟溥福倡僚屬重建祭酒胡儼為記成化元年提學僉事李齡檄知府何濟重脩大學士彭時李賢為記

武夷書院

在崇安縣武夷山五曲之大隱屏下宋淳熙十年朱子建精舍於此韓元吉為

記子在孫鑑相繼葺而廣之部使者潘友文彭方撥公田以贖學者知縣陳樵子重建王遂為記景定間設山長以教邑七元因之後改山長為教授至正二十五年書院燬八世孫洵對復建在陽焉已

考亭書院

亭在建陽縣三桂里唐侍御史黃子梭構

卜居其地未果紹興三年未子因先志築室居
之五年以四方來學者衆復築室於所居之東
以處之扁曰竹林精舍後因舍前有洲環遶更
名曰滄洲精舍寶慶元年縣令劉克莊始開祠
以祀朱子淳祐四年詔立為書院御書考亭書
院四大字扁額十一年漕使史季溫增建燕居
廟元至元二十五年郡判方達辰縣令郭瑛重
建復相與規畫增田五百餘畝供祀之餘以爲
師生廩饋名曰義學邑人熊禾為記至正元年
通守劉伯顏重脩學士虞集為記國朝永樂
十四年圯於水宣德七年縣丞何景春重修天
順六年巡按御史劉鈺顧嚴命推官胡緝改創
中為祠堂前為明倫堂堂之左為韋齋祠堂之
前為書院仍揭理宗御書於上移燕居廟於祠
堂之後俱翼以廊庫廡庖漏具備知府劉鉞踵
而成之少保彭時為記弘治間知縣張津余以
能相繼買田充

入以供祀事

紫陽書院

在徽州府城南門外倚山瞰溪宋淳祐

風泉雲壑軒橫入左右齋廡中為明明德堂前

為書樓後為宸奎閣又其上為救雲閣閣後為

大成殿理宗賜額曰紫陽書院教授諸葛泰為

記按朱子名堂室記云紫陽山在徽州城南五

里先君子故家婺源少而學於郡學因往遊而

樂之既來閩中思之獨不置故嘗以紫陽書堂

者刻其印章蓋其意未嘗一日而忘歸也既而

卒不能歸將歿始命其孤熹來居潭溪之上今

三十年矣貧病苟活既不能返其鄉又不能大

其闔閭以奉先祀然不敢忘先君子之志敬以

印章所刻榜其所居之廳事故後之學者稱朱

子為紫陽夫子此書院所以名也寶祐甲寅郡

守臨邛魏克愚相繼脩建元至元十三年冬郡

檄遷於南門內江東道院實古郡學遺址至元

十五年按察副使與屯希魯謀諸總府以書院

地與古郡學地兩易以溪山偉觀為明明德堂

山長汪一龍曹涇等協力興創郡人方回為記

延祐乙卯山長張炳以其地卑濕白于總府復遷

南門外舊基左側接烏聊山脉正對紫陽山尤為一郡山水勝處合新舊屋凡百楹至正壬辰燬國朝洪武中以故址踐于城濠移建於縣學之右舊西向改南向與紫陽山為正應中為堂肖朱子像以黃餘蔡元定配前為兩廡重門後為學舍以棲講學之上山長唐仲為記成化庚子知府王勤同知張英重脩禮部尚書周洪謨為記歛者民汪貴奏行有司以每年九月十五日朱子生辰致祭弘治十四年知府彭澤重濬○正德六年知府熊桂移建於縣學之後吏部右符即羅圮為記

晦庵書院

婺源縣學舊有朱子祠元至元丁亥江東憲使盧摯行部檄知州汪元圭改創

書院於文廟之側且捐田以養士申省請以文公書院為名符下名曰晦庵書院延祐甲寅火

元圭之子良座復買北關汪氏園宅為新祠後至元間復建于縣學之東北至正壬辰燬

建安書院

在建寧府治北宋嘉熙二年郡守王堃建以祀朱子而以真德秀配理宗賜名

建安書院國朝洪武十九年知縣余子恭移建于府學內以書院故址為知府廨舍

同文書院

在建陽縣崇化里書坊宋乾道間朱子

洪武二十七年禮部侍郎張智重建復圮正統

三年提學僉事高超脩葺之典史廖榮又

雲谷書院

在建陽縣崇泰里蘆峯之巔宋淳熙二

自為記元季傾圮國朝成化十七年按

湛盧書院

在松溪縣治西南莫詳創建之始亦為

阮德柔拓而新之揭法記國朝洪武初重建

正統十三年燬於兵惟像獨存景泰六年巡按

記

御史張諫檄知縣張紳重建中為講堂堂後為

朱子祠南為泮池架以石梁又南為門張諫為

星溪書院

在政和縣治之南正拜山下韋齋作尉

時建元至正間邑人因為祠以祀韋齋

及朱子後殿於兵國朝成化十四年訓導吳憲白於提學僉事周孟中即舊址重建知縣沈倫建閣於其後扁曰天龍雲影邑諸生楊曉輩共捐貲重塑二像而以黃榦蔡元定劉燾真德秀配郎中林雍為記

大同書院

在同安縣城隍廟之左即舊大成殿址元至正十年知縣孔公俊建以祀朱子

請額賜今名仍給租以贍士林泉生為記後于寇國朝成化十二年知縣張遜移建今所中為正堂堂後為方庭北作畏

泉山書院

在晉江縣即今縣學址也宋咸淳三年權守趙宗正建前為禮殿後為朱子祠

傍列四齋曰志道
據德依仁游藝

石井書院

在泉州府城西南石井鎮舊名鼇頭精舍宋紹興初韋齋嘗監此鎮後朱子為

同安簿開至鎮與耆老訪父時事嘉定四年鎮官游絳因士民之請於鎮而建書院繪二先生

像而祀之歲久傾圮
十二年知府徐源推官柯漢重建

龍江書院

舊在漳州府治西北臨漳堦初朱子守漳時欲於此築室講學未果後守危積

創書院以成其志宋季燬于兵元泰定間郡儒黃元淵別建書院於城外東北隅仍扁曰龍江

書院學士虞集為記

鄉江書院

在漳州府城東北二十里國朝洪武三十三年知府錢古訓建中塑朱子像

以陳淳黃幹劉宗道配

泰亨書院

在長泰縣南登科山國朝洪武末教諭章叅建中為堂祀朱子以東溪先生

高登北溪先生陳淳配前為齋舍以便訓蒙成化十八年知縣劉鐸重建

南溪書院

在尤溪縣治南初韋齋為縣尉時館于鄭氏此即鄭氏故居也嘉熙元年縣令

李侑建以祀韋齋及朱子中為祠堂翼以兩齋曰景行曰傳心縣令施瀆增創講堂咸淳四年

縣令黃巖孫創四齋又於祠堂之右建夫子燕居室前為櫺星門後為講堂德祐元年敕賜南溪書院額元至正四年闕憲僉事趙承禧分立二祠改創四齋曰明德復禮持志率性國朝永樂十二年知縣汪誠雷殷相繼脩葺正統十三年寇燬惟存敕賜門額景泰二年監察御史許仕達命通判楊季琦重創祠堂扁以舊額

宗晦書院

在樂清縣治東宋建以祀朱子舊名藝堂書院咸淳中改名宗晦取宗晦庵之

義也

石門書院

在青田縣西七十里石門洞宋淳熙九年朱子提舉浙東循行至此有文上之

興元至正中庶訪使王俱始即謝客堂故址建

獨峯書院

在縉雲縣東二十三里朱子至此愛其山水絕似武夷有碧澗脩筠似故山之

句嘉定中郡人葉嗣昌建

美化書院

在縉雲縣東六十里朱子嘗講道於此嘉熙中縣尉陳寔建

稽山書院

在紹興府城內即龍山之陽宋淳熙中馬天驥以朱子嘗提舉浙東建祠祀之

其後吳莘請以祠為書院元吳銜為記

鄮山書院

在寧波府城西五里元邑人趙儒建以祀朱子後設山長主之袁楠為記

文公書院

初在奉化州龍津之左名龍津書院元至元十八年改名尋廢江潮提舉陳

友龍檄知州李炳移建于州之寶鹿山山長任士林為記

嶽麓書院

在長沙縣嶽麓山宋郡守朱洞建樞密使劉琪重建張栻為記紹熙五年朱子

守潭州重脩與諸生講學其間

東山書院

在餘干縣冠山之左宋趙汝覲建朱子嘗講道於此謝枋得記

鵝湖書院

在鉛山縣鵝湖山下朱子與陸九淵兄弟講道於此

墓

韋齋朱獻靖公墓

在崇安縣上梅里中峯院北建寧府志云按朱子年譜紹興十

四年墓韋齋於西塔山其後改墓寂歷山中峯之原及考朱子皇考遷墓記有曰府君將殆欲

墓崇安之五夫卒之明年遂定其里靈梵院側既懼體魄之不獲其安乃以乾道六年遷於白

水之鵝子峯下又朱子慶元五年撰韋齋行狀云公卒之明年葬于建寧府崇安縣之五夫然

公所藏地勢卑濕懼非久計乃卜以慶元某年奉而遷於武夷鄉上梅里寂歷山中峯僧舍之

北蓋公之詩有鄉關落日蒼茫外樽酒寒花寂歷中之句故也以此考之當是三遷而後葬此

○按府志所載與銑前第二卷葬韋齋於西塔山條下所疑頗同故著之

粵國夫人祝氏墓

在建陽縣西崇泰里天湖之陽乾道六年正月朱子葬母夫人

於此旁構精舍扁曰寒泉元季傾圮國朝正統十年八世孫澍以舊基平濕移建今所中為

祠堂前門旁廡仍建小屋以為祭祀齋宿之所

太師徽國文公朱子墓

在建陽嘉禾里唐石之大林谷九頓峯下按其地又

名龍歸後塘乃朱子與蔡元定所卜風吹羅帶形初朱子嘗夢神人報云龍歸後塘旣得此地果後塘也慶元六年十一月葬令人劉氏葬同處今七世孫鏄一房築室墓傍在彼居守

坊

文公闕里坊

一在婺源縣治南今廟宅之前宋咸淳五年賜額曰文公闕里繡使蛟峯

方達辰書後燬

恭重立牌坊邑人國朝洪武初駙馬都尉王克

脩葺弘治間燬今重立

一在建陽縣三桂里宋咸淳九年立後圯朝永樂十一年主簿陳政復立。按闕里乃孔

子所居里名非指宮闕也事見東家雜記

道學淵源坊

在建陽縣西三桂里文公闕里之前宋李立圯於水國朝正統十二年

參政彭森重立

泰山喬嶽坊

在建陽縣而三桂里文公闕里之前正德元年按察使汪舜民檄有司

更前二坊額為尊德性道問學

源頭活水坊

在建陽縣西三桂里考亭國朝
正統十三年八世孫洵樹重立

亭

虹井亭

一名韋齋井在婺源縣治南朱子故居之左今廟宅之西韋齋作井銘云道寓斯人

如水在地汲之益深有味外味朱子嘗曰聞先君子太史公生此地時井中有氣如白虹經日不絕又相傳朱子生時井中有紫氣見後故居為鄰所侵井亦湮塞元知州干文傳嘗齋之國朝正統中八世孫湛言于知縣陳斌作亭其上扁以虹井舊額進士汪敬為記弘治間毀主簿謝鏘重建

晦庵亭

在婺源縣治東二里朱塘宋滕溪齋之子註沿文公昨夢之語所建有諸名公題詠

天光雲影亭

在建陽縣考亭書院燕居廟之前舊址久廢國朝天順間知府劉鉞重建

光風霽月亭

在政和縣治之南星溪書院內國朝成化間知縣沈倫建

方塘半畝亭

在尤溪縣治之南南溪書院
內宋嘉禧間縣令李脩建

朱子實紀卷之七

朱子實紀卷之八

朱子門人

蔡元定

字季通建州建陽人學者稱西山先生朱子

列又嘗輯其問答之辭曰翁季錄蓋引以自匹也卒贈迪功郎謚文節所著有大衍詳說律呂

新書燕樂原詳皇極經世太玄潛虛指要洪範解八陣圖說陰符經解連氣節畧脉書及雜說

若干卷

黃榘

字直卿號勉齋福州閩縣人朱子之婿以蔭補歷官知漢陽安慶和州授承議郎朱子病

革以深衣及所著書授榘曰吾道之託在此吾無憾矣卒贈朝奉郎謚文肅所著有儀禮經傳

續解文集

蔡沆

字仲默元定次子學者稱九峯先生朱子嘗令作書集傳卒謚文正國朝正統元年詔

從祀孔子成化三年追封崇安伯

劉燭

字晦伯號雲莊建陽人乾道八年進士歷官

奏議史藁雲莊外藁續藁經筵故事講堂故事東宮詩解禮記解四書集成文集遺錄等書

真德秀

字景元一字希元浦城人慶元五年進士中博學宏詞科其學一以朱子為宗歷官

叅知政事資政殿學士謚文忠所著有西山講書記甲乙藁對越甲乙集經筵講義端平廟議

翰林詞草及編集文章正宗諸書國朝正統元年詔從祀孔子成化三年追封浦城伯

張洽

字元德臨江之清江人嘉定元年中第歷官

所望以永斯道之傳如二君者不數人也卒後除直寶章閣所著有春秋集傳左氏蒙求續

通鑑長編事畧歷代郡邑地理沿革表文集

陳淳

字安卿漳州龍溪人嘉定十年以特奏恩授迪功郎安溪縣主簿學者稱北溪先生朱子

嘗曰安卿看得道理儘密諸生未有及之者所
著有語孟大學中庸口義字義詳講禮詩女學
等書門人錄其語號
筠谷瀨口金山所開

李燾

字敬子號弘齋南康建昌人紹熙元年進士
歷官潭州通判直秘閣朱子嘗稱之曰南康

得敬子便覺得此箇氣脉未至斷絕將
來有可望者卒贈直文華閣謚文定

輔廣

字漢卿號潛庵慶源府人居崇德學者稱傳
而能閉門自守金華同門之士鮮有其比所著

有五經註釋四書問答詩童子問通鑑集義日

新錄師
訓編

葉味道

初名賀孫以字行括蒼人居永嘉嘉定十
三年進士歷官祕書省著作佐郎謚文脩

所著有四書說大學講義祭法宗廟廟享郊社
外傳經筵口奏故事講義及所錄朱子問答○
按一統志温州有葉味道處州有葉賀孫皆朱
子門人而事實微有不同蓋本一人誤析為二

也

李方子

字公晦號果齋邵武光澤人嘉定七年進士歷官辰州通判朝奉郎朱子嘗謂之曰

觀禹貢解傳心精語紫陽年譜

陳埴

字器之永嘉人權第授通直郎學者稱潛室先生所著有禹貢辯洪範解王制章句木鐘

集

李季札

字季子婺源人所著有明齋蛙見錄膚說仁說近思續錄字訓續編會遇集家塾記

聞諸書及錄丙申乙卯問答

陳宓

字師復號復齋守之弟以蔭補歷官提點廣東刑獄直秘閣贈直龍圖閣所著有論語註

義問答春秋三傳抄讀通鑑綱目唐史贊瘧藥

彭龜年

字子壽臨江軍清江人乾道五年進士歷官吏部侍郎煥章閣待制知江陵府湖北

安撫使以偽學追三官停勒再起除禁英參修
撰卒贈寶謨閣直學士加贈龍圖閣學士監忠
肅所著有經解祭議
五致錄奏議外制

馮椅

字奇之號厚齋南康都昌人紹熙四年進士
歷官江西轉運司幹官折著有易書詩書孟

太極圖西銘輯說孝經章句喪禮小學死子
弟子傳讀史記及詩文志錄合二百餘卷

潘柄

字謙之號瓜山植之弟所著有四書講
說易解尚書解及錄癸卯以後問答

趙師淵

字幾道號訥齋黃巖人朱
子嘗令脩校通鑑綱目

楊復

字志仁號信齋福寧州長溪人所著有祭禮
圖十四卷儀禮圖解十七卷家禮雜說附註

卷二

黃頥

字商伯南康都昌人隆興間進士歷官廣東
提點刑獄朱子稱之曰商伯講論精密誠可

嘉尚卒謚文簡
所著有西坡集

廖德明

字子晦，劍州順昌人。乾道中進士，歷官吏部左選郎。朱子稱之曰：「德明學有根據，所

著有春秋會要、槎溪集。及錄癸巳以後問答。

鄭可學

字子晉，號持齋，莆田人。歷官忠州文學。朱子嘗謂之曰：「斯道不絕如綫，惟冀勉勵，以

副所望。所著有春秋博議三朝北盟舉要、師說詩數百篇。

童伯羽

字敬義，號寧人。朱子為扁其樓曰「醉經堂」。敬義即稱敬義先生。書諸經皆有訓

解及錄。庚戌問答。

徐僑

字崇父，號毅齋，婺州義烏人。淳熙十一年進士，歷官權工部侍郎。寶謨閣特制，謚文清。朱

子稱其剛直，所著有讀易記、讀詩紀、詠雜說文集。

鄭性之

字信之，初名自誠，改今名。福州侯官人。嘉定四年進士，第一。歷官知樞密院事。垂紫

知政事，加觀文殿學士。所著有端平奏議、宋編年備要。

王選

字子正號東淵龍溪人乾道五年進士歷官

有論孟講義兩

漢書議及文集

吳璣

字德粹號溪齋婺源人淳熙八年進士歷官

所聞等書及

漢齋類藁

鄭文適

字成叔號庸齋福州閩縣人嘉泰甲子貢

或問春秋集解喪禮

長編庸齋集等書

程先

字傳之休寧人所著有東隱集

祝穆

字和父歙人居建安朱子內姪所

胡泳

字伯量南康建昌人朱子稱其堅苦又曰伯

約及編次喪禮戊午問卷

何鎬

字叔京邵武人潭州善化令學者稱臺溪先生所著有易論語說及錄乙未以前問答

江默

字德功崇安人乾道五年進士建寧縣令朱子嘗曰吾鄉士大夫如德功者一意讀書亦

不多得所著有國朝綱

陳孔碩

字膚仲號北山侯官縣人淳熙二年進士歷官中大夫祕閣脩撰所著有庸學講義先

集山

傅伯成

字景初泉州晉江人隆興元年進士歷官龍圖閣學士光祿大夫贈開府儀同三司

謚忠簡所著有文集若干卷

程端蒙

字正思號蒙齋饒州德興人朱子為表其墓稱其任道勇而用志專所著有小學字

訓及錄己亥以後問答

黃士毅

字子洪號壺山莆田人徙居吳嘗撰次朱子書說七卷文集一百五十卷語類一百

三十八卷類註
儀禮未成書

陳駿

字敏仲號仁齋寧德人登進士所著

林用中

字擇之古田人朱子曰為畏友嘗曰擇之見趣濂持愈見精密偕訪張南軒于長沙

有南嶽

唱酬集

林夔孫

字子武古田人以特奏名任縣尉所著有書本義中庸章句蒙谷集及錄丁巳以後

問答

陳易

字後之泉州永春人慶元丙辰進士授懷安丞朱子曰後之持守見識不易得所著有

論孟
解義

程洵

字允夫號克庵婺源人朱子內弟以特科恩任吉州錄事參軍朱子稱其好學而敏於文

所著有尊德性齋集

楊楫

字通老號悅堂福寧州長溪人淳熙五年進士歷官吏部郎江西運判朱子稱其溫厚質

實信道甚篤所著有奏議悅堂集

度正

字周卿合州人紹興元年進士歷官禮部侍郎兼侍右郎官兼同修國史實錄院修撰朱

子稱其志趣不凡所著有性善堂集

周端朝

字子靜號西麓永嘉人嘉定中進士歷官權刑部侍郎太中大夫贈宣奉大夫謚文

忠所著有西麓文章藁

吳昶

字叔夏號友堂休寧人所著有易論書說史評詩文若干卷

鄭昭先

字景紹閩縣人淳熙十四年進士歷官知樞密院事兼參知政事謚文靖所著有日

湖遺藁

程永奇

字次卿號格齋先之子所著有六經四書疑義朱子語粹中和考格齋藁

潘友恭

字恭叔友端之弟任從事郎明州司理恭軍朱子嘗令編次禮書又除從官舉友恭

自代狀畧云居家孝友持已
庶靜其於世務亦所該通

林允中

字擴之用中之弟朱子稱其專志苦學所著有草堂集

王力行

字近思泉州同安人嘗著朱氏傳授支派圖及錄辛亥問答

高禾

字穎叔晉江人淳熙辛丑進士歷官兵部郎中所著有愛閒集

方士繇

字伯謨莆田人寓居建安朱子稱其詩溫潤可觀所著有遠庵錄

徐寓

字居父永嘉人朱子稱其務學求師志尚堅確所著有中庸說及錄庚戌以後問答

曾興宗

字光祖號唯庵寧都人肇慶府節度推官朱子稱其純茂篤實用功正當所著有唯

庵集

黃義勇

字去私臨川人白鹿書院堂長所著有屯田議

鄭師孟

字齊卿號存齋寧德人朱子稱其志趣堅苦所著有洪範講義

劉砥礪

字履之號存庵長樂人朱子嘗曰砥礪及其弟

謹畏所錄有朱子庚戌問答及編王朝禮語孟註解未脫藁

余偶

字占之號克齋古田人朱子稱其警敏有克齋集

林學蒙

字正卿福州永福人道南書院堂長所著有梅塢集及錄甲寅以後問答

汪莘

字叔耕號方壺休寧人所著有柳塘集

龔葵

字曇伯號南峯寧德人有詩文雜著數卷

曾逢震

字誠叟閩縣人所著有月林醜鏡

林湜

字正甫福州長溪人晚居平陽紹興庚辰進士歷官直寶謨閣湖江運副進龍圖閣所著

有繫隱類藁

黃箒

州字子耕豫章人舉進士歷官知表

趙詠道

師淵之弟朱子嘗令編禮書

李閑

祖字宇約號綱齋光澤人嘉定辛未進士歷官廣西經畧安撫司幹官朱子答書有曰

所論克己工夫甚簡潔史論亦甚正所錄有戊申以後問答

李相祖

字時可閑祖之弟嘉定辛未進士所編有書說三十餘卷

吳必大

字伯豐興國軍人以蔭補吉水丞朱子稱其警敏過人守官治事皆有方所錄有戊

申己酉問答

陳文蔚

字才卿號克齋信州上饒人端平中詔補迪功郎朱子稱其功夫精進所錄有戊申

以後問答

楊道夫

字仲思浦城人所錄有己酉以後問答于若海亦有所錄

楊驥

字子昂道夫族兄所錄有巳酉甲寅問答

楊與立

道夫從兄所編次有朱子語畧及壬子問答

潘植

字立之福州懷安人所錄有癸丑問答

襲蓋

字夢錫衡州常寧人登第歷官右正言所錄有甲寅以後問答

劉礪

字用之號在軒砥之第中童子科所錄有巳未問答

甘節

字吉甫臨川人所錄有癸丑以後問答

潘子善

字時舉天台人所錄有癸丑以後問答

晏淵

字亞夫號蓮蕩涪陵人所錄有癸丑以後問答

黃義剛

字毅然臨川人所錄有癸丑以後問答

竇從周

字文卿丹陽人所錄有丙午以後問答

林學履

字安卿學蒙之弟
所錄有己未問答

萬正淳

字人傑號止齋興國軍人朱子稱其
氣質甚美所錄有庚子以後問答

楊至

字至之晉江人朱子稱之曰至之講
論儘精細所錄有癸丑甲寅問答

徐容

字仁父寓之弟朱子稱其
志趣正所錄有辛亥問答

余大雅

字正叔劍州順昌人朱子深
與其進所錄有庚戌問答

鄭南升

字文振潮州人朱子稱其
資質好所錄有癸丑問答

金去偽

字敬直饒州樂平人
所錄有乙未問答

林恪

字叔恭天台人
所錄有癸丑問答

李儒用

字仲秉岳州岳陽人
所錄有己未問答

廖謙

字益仲衡陽人所
所錄有甲寅問答

孫自脩

字敬父宣州宣城人
所錄有甲寅問答

王過

字幼觀鄱陽人所錄
有甲寅以後問答

陳芝

字庭秀所錄
有壬子問答

蔡舉錄

字行夫平陽人所錄
有壬子問答

郭逍遙

有所錄
問答

林賜

字聞一
乙卯以後問答
有所錄

嚴世父

字時亨臨江新喻人
所著有疑義問答

吳英

字茂實邵武人
進士所著有論語問答
紹興三十年
問答畧

魏椿

字元壽建陽人所錄
有戊申五夫問答

游倪

字和之建寧人所錄
有癸丑問答

周明作

字元興建陽人
所錄
有壬子以後問答

吳雉

字和中建陽人
有所錄問答

湯泳

字叔永丹陽人
所錄
有乙卯問答

鍾震

字春伯潭州人
所錄
有甲寅問答

黃卓

字先之
有所錄問答

吳振

有所錄
問答

吳琮

字仲方臨川人
所錄
有甲寅問答

劉子寰

字圻父建陽人
號篁嶽
所著
有詩集及錄
已未問答

楊方

字子直長汀人
隆興初登第
歷官廣西漕使
直寶謨閣
兼度事
朱子稱其篤學
不易得所

錄有庚寅問答

楊長孺

字伯子廬陵人歷官直敷文閣

潘履孫

字坦翁友恭之子寓居紹興歷官奉議郎通判江陵府所錄有甲寅問答

曾祖道

字擇之所錄有丁巳問答

周謨

字舜弼南康建昌人朱子稱其講學持守不鮮益勤所錄有己亥以後問答

錢木之

字子升晉陵人寓永嘉所錄有丁巳問答

石洪慶

字子餘臨漳人朱子稱其強毅方正所錄有癸丑問答

李煇

字晦叔南康建昌人疑燻之尼有所錄問答

李孝述

字繼善燻之從子有所錄問答一卷朱子答書有云所示疑義甚精到

林武

字景文號尚綱永嘉人以恩科授河池縣尉所集有朱子語錄

劉剛中

字近仁光澤人嘉定四年進士調蘭溪丞所輯有師友問答而漢高語

吳壽昌

字大年
錄有丙午問答
武人所

梁瑒

字文叔
錄有邵武人所輯有朱
澹臺石刻考證

呂燾

字德昭
錄有己未問答
昌人所錄有已未問答
坡南康建

沈憫

字莊仲
錄有嘉人所錄
有戊午以後問答

陳研

字自脩
錄有福州長樂人所稱
其切問近思有所錄問答
朱子稱

汪德輔

字長孺
錄有鄱陽人所
錄有壬子問答

包揚

字顯道
錄有南康建昌人所
錄有癸卯以後問答

郭友仁

字德元
錄有山陽人所
錄有安所錄有戊午問答
寓臨

李祀

字良仲
錄有甲寅問答
字平江人所

蕭佐

字錄有甲寅問答
寅問答

舒高

所錄有甲寅問答

黃升

所錄有辛亥問答

丘珏

字玉父邵武人所錄有主敬問答

林子蒙

湖南人所錄問答

李文子

字公謹方子之弟紹熙四年登第知潼州有所錄問答

劉炎

字潛夫邵武人所錄有已酉以後問答

董拱壽

字仁叔鄱陽人所錄有甲寅問答

歐陽謙

字晞遜吉州廬陵人所錄有癸丑問答

范念德

字伯崇建安人歷官朝奉郎江東帥機朱子嘗曰伯崇學大進未可量臨歿囑其備

正禮書

劉丙字韜仲煥之弟淳熙戊戌進士歷官朝請大夫朱子稱之曰韜仲不苟如此不易得其兄

晦伯亦甚好他日皆未可量

林大春

字熙之號慥齋朱子有詩送之

林師魯

號芸谷古田人朱子稱之曰師魯問學行誼克世其家

余範

字彞孫古田人朱子稱其淳靜

陳齊仲

同安人朱子答書有曰詩解用意甚深

許升

字順之號存齋同安人朱子為作字序齋記稱其學專用心於內及卒為文祭之

許景陽

字子春同安人朱子稱其意趣盡好

楊履正

字子順朱子稱其細密

包定之

永嘉人朱子稱其用意精密

余大猷

字方猷其看道理穩實

徐子融

鉛山人朱子稱其志趣操守非他人所及

詹體仁

字元善浦城人隆興元年進士歷官直龍圖閣知靜江府朱子稱其才雋行馴好學

不倦

任希夷

字伯起邵武人淳熙三年進士歷官端明殿學士簽書樞密院事兼權叅知政事贈

少師謚宣獻朱子嘗曰伯起開濟士也

王玩

字南卿江州人隆興元年進士歷官知撫州朱子稱其才氣術畧過人

陳定

字師德守之弟以蔭補授右承事郎朱子銘其墓

潘友端

字端叔金華人朱子稱其有志操

傅君定

婺州人朱子稱其刻苦

李唐咨

字堯卿朱子稱其持循雅飭

方誼

字賓王朱子稱其為學親切的當近日朋友講習未有能及之者

滕珙

字德章號蒙齋珙之弟淳熙十四年進士合

聲州縣間又稱珙廷對甚佳

劉孟容

字公度隆興府人第進士歷守長沙南康朱子稱其謹潔自好學問有方

葉寅

字直翁邵武人朱子稱其謹愿詳審

馮允中

字作肅邵武人朱子名其居曰見齋

彭蠡

字師範號梅坡南康都昌人朱子稱其疑辯甚精

呂煥

字德遠熹之弟朱子嘗曰二呂講論粗有條理

李宗思

字伯諫建安人朱子稱其為斬教導以古人為己之學教人

吳居仁

字溫父建陽人融州節度推官朱子稱其貞廉

傅備

字子期豫章進賢人朱子稱其孝賢

林憲

字公度號存齋福州懷安人朱子稱其忠信

姜大中

字叔權朱子稱其天姿慈詳

丁堯

字復之崇安人朱子誌其墓稱其篤厚慈良有志為己之學

包詳道

建昌人朱子稱其篤實

方耒

字耕道莆田人乾道中登第任宣教郎連江縣令朱子稱其明敏果決

方士

字若水莆田人淳熙丁未登第任從事郎寧鄉縣令朱子守漳辟任主學事

游開

字子蒙建安人朱子稱其議論文學皆有餘

趙蕃

字昌父號章泉官至祕閣朱子稱其志操文詞非流輩所及

宋之源

字深之雙流入第之潤之汪朱子稱其昆仲嗜學而有文

黃幹

字尚質長溪人官至直學士院著述甚富

陳址

字廉夫莆田人以恩補調監南安縣鹽稅朱子誌其癯稱其厚重明敏

汪清

字湛仲婺源人朱子嘗寓其家與鄉人講學為作敬齋箴

汪端

字季英婺源人嘗建東山九曲亭與朱子講道其間

劉炯

字季銘燠之弟慶元已未進士固始縣令

李壯

字處謙閩祖之弟嘉定辛未進士調閩清尉

董銖

字叔重饒州德興人登進士授金華縣尉轉從事郎

呂勝

字季克號渭川居士邵武人歷官朝請大夫知沅川

陳孔夙

字仁仲孔碩之兄寓平江慶元五年進士

王介

字元石婺州金華人紹熙元年進士歷官集英殿脩撰知慶元府兼沿海制置使贈中大

夫竇章閣待制謚忠簡

曹彥約

字簡甫號昌谷都昌人淳熙八年進士歷官兵部尚書改竇章閣學士知常德府轉

華文閣學士通議大夫贈宣奉大夫謚文簡

郭磊

字子奇台州僊居人嘉定七年進士除起居舍人謚正肅

葉武子

字成之邵武人嘉定甲戌進士歷官直龍圖閣加秘閣脩撰

陳守

字師中莆田人以蔭補歷官奉直大夫提舉荆湖南路常平公事遷將作監

陳宇

字允初莆田人以蔭補歷官太常少卿奉議大夫

楊仕訓

字尹叔漳浦人擢進士第歷官監鄂州糧料院

傅誠

字至叔號雪澗莆田人淳熙中登第歷官太常博士

潘友文

字文叔金華人福建提舉

陳範

字朝弼崇安人嘉定七年進士調崇仁丞

戴蒙

字養伯永嘉人紹興庚戌中第調紹興府石堰鳴場運鹽官

李東

字子賢邵武人紹熙中進士萬安縣令

饒幹

字廷老邵武人淳熙二年進士歷官知懷安軍

趙師端

知徽州凡弟皆師朱子

趙師恕

字季仁餘杭縣令

余元一

字景思興化軍僊遊人淳熙五年進士池州通判

俞聞中

字夢達邵武人淳熙八年登第知黎川

張揚卿

字清叟瑞安人登第任南康軍教授

祝汝玉

信安人休寧縣令

趙善佐

字佐卿宋宗室居邵武歷官知贛州所錄有易疑問答

葉文炳

浦城人僊遊縣令

上官謚

字安國邵武人四會縣令

歐陽光祖

字慶嗣崇安人乾道八年登第江西運管朱子嘗令三子師之

王瀚

字伯海金華人武當軍節推朝奉郎子栢受學勉齋門人何基號魯齋

王漢

字季海瀚之弟仁和縣尉

謝璉

字公玉祁門人以特奏名授龔州助教

許文蔚

字衡甫號環山休寧人紹興庚戌擢第歷兵部郎官著作郎

汪楚材

字太初休寧人紹熙元年進士歷承直郎廣東運司幹官朱子稱其德學之盛

呂道一

朱子稱其天資明敏

呂祖儉

字子約號大愚金華人仕至太常寺丞謚忠朱子稱其篤學力行

趙彥肅

字子欽朱子稱其禮圖甚精

楊簡

與楊楫揚方俱師事朱子號稱三揚

鄧邦老

將樂人道南書院堂長

余宋傑

字國秀南康建昌人

黃顯子

字敬之永嘉人

蔡念成

字元思九江人

鍾唐傑

袁州萍鄉人

胡安之

字叔器袁州宜春人

黃謙

字德柄
尤澤人

趙希漢

字南紀
岳陽人

李如圭

字寶之
廬陵人

鄧綱

字衛老
將樂人
近思錄問答

黃東

字仁卿
之兄

葉任道

味道
之弟

郭叔雲

字子從
潮陽人

趙師邦

字恭甫
天台人

劉蔽

廬陵人

林補

字退思
永嘉人

林謩

字丕顯
福州連江人

彭鳳

字子儀
宜春人

陳祖永

字慶長
會稽人

王春卿

建安人

陳士直

字彥忠
閩清人

張彥先

字致遠
臨淮人

傅公弼

字夢良
莆田人

林仁實

永福人

杜旂

字啟高
金華人

杜旂

字幼高
旂之弟

杜燁

字良仲號南
湖黃巖人

杜知仁

字仁仲號方
山燁之弟

許儉

字幼度
閩清人

程深

字古田
人

程若中

字寶石號槃澗古
田人有槃澗集

馮去疾

字知南
康軍

蔣康國

字彥禮號鼎山古田人朱子
楚辭集解凡楚集皆贊之

趙子明

字開封
人

魏恪

字元作朱
子之甥

劉學古

字子之婿
臨桂縣令

祝癸

弟穆之

劉子禮

建州人

翁易

字粹翁崇安人授徒竹林精舍

劉叔通

建州人

黃仲本

邵武人

趙師雍

字然道疑師淵之弟

程實之

字士華號尊已翁歛人遷德興

程樞

字文伯號翠林婺源人洵從子所輯有先賢格言

滕珮

字德玉璘之從弟

陳利用

字光卿同安縣學司書兼奉祠嘗編大同集

周介

字公謹
初姓葉

林克之

余正父

閻丘次孟

黎季成

周伯壽

魯可幾

李德之

鄭仲履

康淵

字叔
臨

連嵩

劉季文

邵浩

林揆

字一
之

符叙

字舜
功

周儼

劉純叟

劉礪

字正之
建陽人

劉實之

礪之
弟

李克宗

字子能
泉州南安人

方大壯

字履之
號履齋
莆田人

陳勝私

南康軍人

黃謙

南安人

郭植

廬陵人

饒克明

邵武人

劉鏡

字叔光
號稱高第
惠安人

曹彥純

彥約之兄

輔萬

廣之弟

黃孝恭

字令裕
邵武人

吳唐卿

南康人

林巖

泉州人

曹晉叔

建安人

魏應仲

建陽人

朱魯叔

僊遊人

劉賁

字炳文南康人

薛洪

字持中永嘉人

蔡元思

江東人
齋稱之
勉

王仲傑

字之才
縉雲人

彭樓

字子應
宜春人

葉永卿 周得之 江亨先

俞子壽 李秉文

符初

字復仲

俞潔已

字季清

詹觀

字尚賓

丁仲澄

王翰

周頤

劉子晉

劉定夫

吳南

字宜之

張顯父

字敬之有孟子問答

曾極

字景建

鞏仲至

朱子實紀卷之八